

گنجھلر تخلف ائلیه شوفرلرین پولیس برخوردونون شیدلنمه سی

بؤوک تهران راهنمای و راندگی پولیسی نین ریسی پایتخته گنجه خیلافلاری نین حلقه سینی دارلماقدان و تهراندا ویراژ وئرمگین ضربتی برخورد ائله مکدن خبر وئریب دئی: بو طرحین بیرینجی گنجه سینده 250 ماشین یاتیریلدی و خودودا 300 ماشیندا جریمه اولدو.



جام جم آنلین: بؤوک تهران راهنمای و راندگی پولیسی نین ریسی پایتخته گنجه خیلافلاری نین حلقه سینی دارلماقدان و تهراندا ویراژ وئرمگین ضربتی برخورد ائله مکدن خبر وئریب دئی: بو طرحین بیرینجی گنجه سینده 250 ماشین یاتیریلدی و خودودا 300 ماشیندا جریمه اولدو.

سردار حسین رحیمی ایسنایان دانیشیقدا، بونا ایشاره ائله مگین کی موتاسیفانه گنجه ساعت 22 دن سونرا بیر تعداد جوان پایتختین اوتوبانلارین اؤز لرینه جولانگه ائدی لر و خطرلی ایشلر، کورسی قویماق و ویراژ وئرمک و بو کیمی ایشلر گؤرورلر، آرتیردی: بونا توچه ائله مگین کی جماعت بیزدن تهرانین اوتوبانلارین خطرلی ائله یین بوجور تخلوفلارینان برخورد ائله مگی ایستیرلر، مهرین یئددی سیندن بو ضربتی طرح ایجرا یا قویولوب.

او بونو بیان ائله مگین کی بو طرحده ویراژ وئرمک، غیر موجاز سورعت و سیبقت، غیر موجاز دؤنمه و . . . کیمی خیلافلارینان برخورد اولور، دئی: بو طرحین ایجراسی جیدتی صورتده باشلانیب و بوجور شوفرلر بیلمه لیدیلر کی اوتوبانلار بئله ایشلرین یئری دئییل و قطعاً پولیس بو افرادینان شیدتلی برخورد ائله جک و ایجازه وئرمیه جک بونلارین حرکتلری جماعتین جانین خطرده سالار.

تهران راهور پولیسی نین ریسی دئی: راندگی خیلافلارینا یئتیشمگین تازا قایدالارینا گؤره، غیر موجاز سورعت و سیبقت و ویراژ موریدلرینده تصدیقی آماق، ماشین یاتیرتماق و اؤز لرین روحی و روانی ساغلاملیغینی تست ائله مک اوچون مربوط اولان مقاملار موعرفی ائله مگی نظرده توتولوب.

او تازا الکول، موخدییره مواد و روانگردان تست دستگاھلارین آلینماسیندان خبر وئریب دئی: بو دستگاھلار تئزلیگین اوتوبان پولیسی نین ایختیاریندا اولاجاق و خطرلی ایشلر گؤرن و الکولی و روانگردان ماده لریندن ایستیفاده ائله مگه مشکوک اولانلاردا، همان یئرده تست اولاجاقلار.